

mukusa kita Namasia sumasima'ʔ

sua Namasia ia, 'esi na Kaosiungsʔ. 'una urucin cacanʔ tʔni mukusa

Namasia: aranai Kaosiung, Hancirio, Kasanpu matarava Namasia. tʔni

kangvang aranai Cia'i tamna Arisan Sinme, Sanme musikarʔ na Namasia.

noo 'una cʔpʔngʔ tia mukusa Namasia sumasima'ʔ ia, tʔni cumacʔ'ʔra rocu

taniara manʔng ramangʔ mukusa 'inia.

ka-1 vuanʔ matarava ka-2 vuanʔ. nguai sua kanasia tumavungavung

sua karu macu'u. 'esi Namasia nesi, 'una 'itumuru sue-mi-tau, 'ume,

mamiriki. taniara masini, aravangvang tumavungavung. tʔni cʔ'ʔrʔʔn

kavangvang cimʔrʔ makai niaritapasʔa, cucuruana maningcau!

ka-3 vuanʔ matarava ka-4 vuanʔ. matianai cu 'una tumutumʔkʔ

takuripa arapiningi. 'una kari makasi, sua na Taiwan takuripa ia, 'una kani

manʔmʔn vangata, nakai na Namasia, 'una cu mapusan vangata. matarava

rovana mapitʔ'ʔ cu, tʔni kita na cacanʔ, cumacʔ'ʔra takupiripiri takuripa na

rakarukarua mingangane.

matarava ka-5 vuanʔ ka-6 vuanʔ. paira 'una Kanakanavu tamna kaisisi

Pasikarai. 'esi na timcara cuku, sua kaisisi isi ia, cucuru tukupecu! vanai

sii 'una nesi cakʔran Namasia. cau Kanakanavu musu'ʔvʔ cakʔran

isi, 'apacʔvʔrʔ mamani, imua 'una cu kaisisi isi.

ka-7 vanaʔ ka-8 vuanʔ, paira 'umu'ʔcanʔ. nguai sua 'ume mataa

civu'u, tia cu mapʔnʔ kanasia. mesua iavatu na Namasia, tʔni pu'a campe

niapʔnʔa 'ume mataa civu'u.

ka-9 vuanʔ matarava ka-10 vuanʔ. 'esi na Taiwan macici pa taniara,

nakai na cimʔrʔ maraa tʔricang cu ti'ingi. mukusa Namasia tʔni cumacʔ'ʔra

Kanakanavu. cani cenana mastaan kangania kaisisi Mikongu.

kaNamasia cau ia, kacaua tusu'ʔvʔ Kiristukiu, imua noo matarava ka-

12 vuanʔ, kiukai nesi ia, vanai tia cu Kurisimas, 'una kaisisi marisinangʔ.

mesua na puraku, cʔ'ʔrʔʔn cu takupiripiri tatanasa. cucuru maningcau

manʔng cʔ'ʔrʔʔn!

(文章大意 僅供參考) ※字數限 200 字

我們去那瑪夏玩

那瑪夏屬高雄市轄區。有兩條路線可通往。從高雄、旗山、甲仙到那瑪夏。也可以從嘉義的阿里山新美村、山美村進入那瑪夏。有心想到那瑪夏遊覽，可以參考時機安排。

一月到二月是各種果樹開花季節，三月份到四月份開始有整群的螢火蟲出現，五月份六月份通常有卡那卡那富族的河祭，七月八月是烏梅與竹筍採收的季節，九月到十月份全台是酷暑的季節，不過在山區還是比較涼爽。